




Presentacion di buki di Manchi Hennep



ORANJESTD(AAN)—Sala di Biblioteca nacional di Aruba tabata completamente yena diahuebs anochi pa presentacion di e di dos buki di e autor Herman “Manchi” Hennep, “Tres diferente ruta”.

Sr. Ramon Todd Dandare a fungi como maestro di ceremonia y e tabata tambe e corector di e buki. Sr. Todd

Dandare a duna un relato encuanto Sr. Hennep y tambe di e exito di su buki anterior “Buscando Felicidad” cu a bay pa hopi scol na Aruba y na mes momento a splica di “Tres ruta diferente”, bida di tres hoben cu ta bin den contacto cu droga y su consecuencianan. Cada un cu su motibo pa cuminsa ne, pero tin hopi cos mas. Cada un ta scolhe kico e ta haci; keda aden, of sali.

Jeremy cu a sali na defensa di su mama, ora e tata tabata maltrata e mama y a haya su mama contra dje. Roy cu a sinti falta di atencion, amor y cariño, mientras cu su mayoman tabata condá niba taha y gana placa. Rita a bin ripara ki balor su mayoman tin pe, ora nan haya yiu y tur nan atencion a bay na e chiquitonan.

Lesando e buki lo ripara cu

bida den droga ta duro y un luchan grandi, y lo ripara di nan lo logra pa drecha nan bida, busca yudanza of scolhe pa sigui.

Esaki ta un buki mashá agradable pa lesa y cu despues di cuminsa lo no kier pone abao prome cu sa com e ta sigui.

Locual a bin dilanti den e buki a ser bunita presenta den un schets teatral dirigi pa Daniel Ortiz, docente teatral

cu a fungi como e maldito droga y un elenco di EPL, schets skirbi pa Ruth Tromp di FAIDA.

Sra. Mayra Kock a deklama un di e poesiaman di Sr. Hennep, y Sra. Joyce Pereira a describi e buki y su contenido y na mes momento a lesa tambe parti di e novela cu a haya hopi bon acogido e anochi aki.

E prome exemplar di e buki a ser entrega na Ministro di Cultura Sr. Ramon Lee, mientras cu varios persona cu a colabora cu Sr. Hennep tambe ricibi nan exemplar. E comentario cu a seucha basta ayera anochi durante e brindis tabata relaciona cu Sr.

Etty Arends di BJ Arends & Sons y Fundacion Breenchi Arends, cuall comentario tabata pa e aprecio cu varios comerciante menciona den e buki, a duna pa pora publica e buki y contento di a mira Sr. Arends presente pa ricibi su exemplar.

E diananaki lo buki lo bay pa e diferente librerianan, mientras cu ayera caba e tabata na 87 Storey na Hospital Deli.

E potretnan ta di e anochi di presentacion.